



Mektebski list

# KARDILJ

MEDŽLIS ISLAMSKE ZAJEDNICE SREBRENIK

Broj 12 • Godina VI • Srebrenik, februar 2016. g. / Rebiu-l-Alir, 1437. h.g. • Besplatno

## Ambasadori Medžlisa IZ-e Srebrenik

TEMA BROJA:



Posjetite nas  
na Facebook  
profilu

NAGRADNI  
KVIZ

ISSN 2233-1972



K C M Y



بِسْمِ اللّٰهِ الرَّحْمٰنِ الرَّحِيْمِ

*U ime Allaha. milostivog, samilosnog*

Izdavač:  
MEDŽLIS ISLAMSKE ZAJEDNICE  
SREBRENIK  
Za izdavača:  
Abdullah Arifović  
Glavni i odgovorni urednik:  
Damir ef. Babajić  
Redakcija:  
Refik ef. Hodžić glavni imam,  
Abdullah Arifović - predsjednik IO,  
Emir ef. Brašnjić, Vasif ef. Mahmutović, Hidan ef. Begić  
Lektor:  
Damir ef. Babajić  
DTP  
PRINTAS d.o.o. Srebrenik  
Štampa:  
PRINTAS d.o.o. Srebrenik  
Tiraž:  
350 primjeraka  
Srebrenik, februar 2016. godine  
Rebiu-l-Ahir. 1437 h. godine  
Adresa redakcije:  
MEDŽLIS ISLAMSKE ZAJEDNICE  
SREBRENIK  
Ul. 25. Novembra bb, 75350 Srebrenik  
e-mail: info@medzliszsrebrenik.com  
www.medzliszsrebrenik.com

e-mail: kandilj@hotmail.com

Hvala pripada samo Allahu dž.š., neka je salavat i selam na poslanika Muhammeda a.s.

**Draga djeco!**

Es-selamu alejkum!

Evo nas sa 12. brojem časopisa Kandilj u kojem vas očekuje mnogo zanimljivih sadržaja. Nadamo se da će vam se svijet onoliko koliko i brojevi koji su iza nas. Trudili smo se da za vas odaberemo različite i zanimljive teme, ali i da unesemo neke vaše radeve i priloge koje ste nam slali zajedno sa vašim muallimima. Na našu veliku radost pristiglo je dosta vaših radova i prijedloga i to će nam pomoći da sljedeći naš broj bude još interesantniji. Jedan od vaših prijedloga je bio da u idućim brojevima našeg Kandilja predstavimo nekoliko polaznika mektebske nastave, što ćemo i učiniti ako Bog da, pa nam pišete.

Javljam se i dalje, a svojim idejama doprinesite da ovaj naš časopis bude što bogatiji i privlačniji.

U ovom broju časopisa predstavljamo vam džemate Tinja i Gornji Srebrenik, najbitnije karakteristike, mekteb i mektebske aktivnosti. U ovom broju vam donosimo zanimljivosti sa internet stranica, otvoren je facebook profil pod nazivom „Kandilj mektebske novine“ te otvorena je facebook grupa Kandilj, pa je posjetite i pišite korisne informacije kao i komentare.

Iskreno, vaši urednici!

## Dodjela nagrada za najbolje literarne radeve „Muhammed a.s. moralni učitelj čovječanstva“

Medžlis IZ-e Srebrenik raspisao je konkurs za najbolji literarni rad na temu: "Muhammed a.s. moralni učitelj čovječanstva", koji je trajao od 4-18.12.2015. godine. U srijedu, 23.12.2015. godine u Sali Medžlisa IZ-e Srebrenik u 18:30 sati uz vjersko-kulturni program izvršena je dodjela nagrada za najbolja tri literarna rada. Na početku ašere je pružio Begunić Mirsad, polaznik mektebske nastave Čehaje, a prisutne je sa nekoliko ilahija počastio hor ilahija i kasida O.Š. Duboki Potok. Od 62 rada komisija u sasta-

vu Osman Mujić (imam), Mercedes Šabanović (vjeroučitelj) i Haris Vehabović (prof. bosanskog jezika i književnosti), ocijenili su tri najbolja rada:  
 1. Mjesto Zukić Selmira- mekteb Lisovići,  
 2. Mjesto Begunić Mirsad- mekteb Čehaje i  
 3. Mjesto Jukić Emra- II O.Š. Srebrenik.  
 Nagrade i priznanja uručili su glavni imam Refik ef. i predsjednik Medžlisa mr.sc Abdullah Arifović. Dodijeljeno je i priznanje horu ilahija i kasida O.Š. Duboki Potok, te hedije članovima hora.



# Muhammed a.s.

## *moralni učitelj čovječanstva*

*Rad koji je osvoji prvo mjesto prenosimo Vam u cijelosti.*

### **Muhammed a.s. moralni učitelj čovječanstva**

Svijet je postao pustinja. Sahara u ljudima, Sahara oko njih. Masa ljudi u pješčanoj oluji, ispod crnih oblaka, a niko od njih da pronađe izlaz. Korak do spasa- Kur'ana, al pijesak u njihovim očima vodi u provaliju. Zar čovjek, jedno razumno biće da dopusti sebi propast? A dopustio je. Osvrnem se oko sebe, vidim blato, kalj i tek poneki biser. Biser čija je vjera u Allah dž.š. jača od nemoralna i bluda. U silnoj pustinji volim svoju oazu i svakodnevno Allahu dž.š. zahvaljujem na tom daru. Često se zapitam: "Zar da hodim kroz tamu, a ne putem obasjanom svjetlošću Njegovom? Zašto da sebi dopustim kajanje, kad mi je On podario razum? Zar da biram učitelja amatera i laika, a On mi je poslao Muhammeda a.s.? ". Zapitajte se i vi. Uzvišeni Allah dž.š. u Kur'anu kaže: "Vi u Allahovom Poslaniku imate divan uzor za onoga koji se nada Allahovoj milosti i nagradi na onom svijetu i koji često Allaha spominje." Ljudi često biraju pogrešan put, put trnja i kamenja, prečicu

do lošeg. Obavijeni u plašt žudnje za stapanjem sa pogrešnim društvom, ne primjećuju da gube moći racionalisanja. Oni nesvesno gube sve. Uzmeš ih za ruku, da ih uvedeš u baštu mirisnog mošusa, baštu vjere, a njihovi prsti se žudno iskradaju iz tvojih šaka, hitajući u tminu. Takvi i ne znaju za istinsku ljubav prema Poslaniku a.s. koja je najbolji način da shvatimo da nam on treba biti uzor u svim sferama života. Duše ispod korozije, jezik u moru laži i zlobe, a na očima crni povez- kalup kojem većina ljudi na današnjici pribjegava. U Kur'anu se navodi: "On je neukima poslao Poslanika, jednog između njih, da im Ajete Njegove kazuje i da ih očisti, i da ih Knjizi i mudrosti nauči, jer su prije bili u očitoj zabludi i drugim koji im se još nisu priključili- On je Silni i Mudri." Ali, kao što noć ne bi bila lijepa bez mjeseca i zvijezda tako ni dunjaluk ne bi bio lijep bez pravih vjernika. Oni su cvijeće, proljeće, krila i bistra rijeka. Rijeka čiji tok ide pravom putanjom, čiji žubor krasiti prirodu. Srce vjernika grijije plam ljubavi prema Islamu, Allahu dž.š. i Muhamedu a.s. Njihov obraz je poput suza, duša kao mirisni pupoljak jer znaju da im je uzor naljepša ruža u bašti, najsjajnija zvijezda na nebu, Muhammed a.s., biće za koje

Gospodar svih svjetova kaže: "...jer ti si zaista najljepše čudi...". Zato maleni čovječe, trgni se, ne dopusti da ti ovaj prolazni život protekne kroz maglu. Baci crni plašt sa sebe i ognji se ljetotom vjere. Nek tvoje nebo krasiti sunce, a tvoj hod nek ponosno vodi do izvora. Izvora na kojem će duša da ti se napije pravih riječi, iskrenih savjeta i ispravnih uputa. Koračaj do Kur'ana, koračaj Allahovim putem, koračaj Muhammedovim stopama.





# Muhammed a.s.

## Upoznajmo Poslanika milosti da bi ga više voljeli

Muslimani svijeta pa i mi u Bosni i Hercegovini mjesec rebiu-l-evvel doživljavamo kao mjesec mevluda, rođenja našeg poslanika Muhammeda, a.s. Uzvišeni Allah poslao nam je za Poslanika najbolje stvorenje, najboljeg od ljudi, onoga kojeg su i nevjernici nazivali Istinoljubivim i Povjerljivim, koji je poznat po svome uzoritom moralu, predvodnika vjerovjesnika i poslanika. On je Muhammed-hvaljenik, Ahmed-slavljenik, Mustafa-odabranji, posljedni u nizu poslanika i pečat poslanstva. Naš Gospodar poslao ga je kao milost svim svjetovima, kao upućivača bogobojaznim i predvodnika dobrim. Potomak je najčestitijih; oca Abdullaha i majke Amine, kojim nije bilo suđeno da ga odgajaju i pruže mu svu roditeljsku ljubav i pažnju. Babu nije ni zapamatio, a s majkom se morao rastati tek što je počeo upoznavati dragocjenost majčinog okrilja.

Siroče je ostao sa šest godina. Bila je to Allahova volja jer je Svevišnji Allah htio da ga odgoji po svojim načelima za tako veliku i odgovornu zadaću, za poslaničku misiju, a za takvu misiju jedino je Allah odgajao, pripremao i odabirao ljude, ali isto tako Allah je htio svog roba podučiti čemu i zašto svaki roditelj treba podučavati svoje dijete. Glavni zadatak čovjeka na dunjaluku je sročen u samo jednom dijelu jednog Kur'anskog ajeta gdje Svevišnji kaže: "Džine i ljudi sam stvorio samo da mi robuju, da mi budu pokorni" (Ed-Dariyat, 56). Samim svojim rođenjem je Muhammed a.s. imao prepoznatljivi i najavljeni pečat poslanstva. Svojim djetinjstvom je u svom mračnom okruženju pokazao da je jedina svjetla zraka koja je budila nadu u spas i izlaz iz tog mračnog tunela idolopoklonstva. Da je bio odgajan od strane Allaha dž.š. bio je dokaz što nikada nikome nije ni kao dječak nario uvredu, niti bilo koje ružno djelo počinio, tako da mu je nadimak El-Emin povjerljivi, savršeno odgovarao. Od svog rođenja kao siroče, preko poslanstva u četrdesetoj godini, zatim dvadesetogodišnje ispunjenje poslaničkog poziva, bili su uzor i primjer svima nama. Cijeli svoj život iskazivao je čvrstinu i ne-pokolebljivost pored svih napada i uvreda. Odanost Allahu dž.š., blagost prema ljudima, stanje da oprosti, hrabrost u svom poslu, pažljivo ponašanje Muhammeda,

a.s., najbolji su primjer kako se dolazi do uspjeha i sreće. Bio je čovjek koji je živio život sa svim njegovim radostima i žalostima, nadama i tugama, pobjedama i porazima, pohvalama i pogrdama. Sve ovo je podnosio sa vjerom u Allaha, dž.š., i nadom da dolaze bolji dani za islam i muslimane. To je ono što ga je činilo savršenim uzorom ljudima. U životu i ponašanju Allahova Poslanika, a.s. i u svim njegovim stavovima susrećemo ljubav i zahvalnost. On bi npr. sa ljubavlju i žudnjom očekivao svaki namaz. Govorio bi: "Moja najveća radost je u namazu!" A kada bi nastupilo vrijeme namaza, rekao bi muezinu: "Bilale, obraduj nas njime!" Ovo je ta razlika između ljubavi i obaveze. Bilo koji posao koji se shvati samo kao obaveza često se nerado i protiv volje izvršava.

Međutim, ljubav s uživanjem i zadovoljstvom može riješiti i najteže probleme. Zato uvijek i iznova moramo postavljiti sebi pitanje: Kakav ja naš odnos prema Allahu dž.š. i Njegovom poslaniku, koliko i u kojoj mjeri volimo, a kako i koliko slijedimo sunnet poslanikov? Allah dž.š. u Kur'anu nudi način kako provjeriti ljubav prema Allahu dž.š. i Poslaniku; Reci (Muhammed): "Ako Allaha volite, mene slijedite, i vas će Allah voljeti i grijeha vam oprostiti!" - a Allah prašta i samilostan je". (Ali 'Imran, 31.) Iz ovog ajeta vidimo da je ljubav prema Poslaniku povezana sa ljubavlju prema Allahu. Enes, r.a., prenosi da je Muhammed a.s., rekao: "Ni jedan čovjek neće vjerovati sve dok mu ja ne budem draži od njegove porodice, njegovog imetka i svih ljudi." (Muslim) Sam Allahov Poslanik, a.s., bio je pokoran Allahu dž.š., jer Ga je neizmjerno volio. Takođe, mnoga dobročinstva je činio ljudima upravo iz ljubavi. Otuda Muhammed, a.s., upozorava da nema potpunog vjerovanja bez iskrene ljubavi prema Allahu i prema njemu. Samo iman i iskrena ljubav mogu podstići vjernika da u potpunosti slijedi i primjenjuje sunnet Allahova poslanika Muhammeda a.s., taj detaljan program za život muslimana. Sunnet je pojašnjeni Kur'an i praktični islam. Sam Poslanik je bio tumač Kur'ana, utjelovitelj islama rječju, djelom i ponašanjem, dok je bio u društvu, kod kuće i na putu, u snu i na javi, u privatnom i javnom životu, u od-



nosu prema Bogu i prema ljudima, s rodbinom i daljinjima, s prijateljima i neprijateljima, u miru i ratu, u zdravlju i bolesti. U svemu tome, dakle kroz sve segmente svoga svakodnevnog života, svojim ponašanjem tumačio je Kur'an. Stoga je obaveza muslimana da upoznaju ovaj razrađeni poslanički program kako bi ga primijenili u svojim životima. Na to nas naš Poslanik podstiče rječima: "Ko oživjava moj sunnet – on me voli, a ko mene voli, biće sa mnom u Džennetu." Islam ne traži apstraktnu ili samo verbalnu ljubav, već ljubav koja je osmišljena i sprovedena kroz dobra djela, kao zalog za sreću, kako u prolaznom tako i u vječnom životu. U konkretnom slučaju to znači, znati i izvršavati, npr: kako se musliman priprema za namaz, kako ga obavlja, kako i kad se kupa, kako i šta jede, kako i šta piće, kako i kada razgovara, kako i kada dolazi u društvo a kako ga napušta, kada i kako se ženi i udaje, šta i kako čini kad mu se dijete rodi, kada i kako trguje, kada i kako spava, kako se ponaša prema roditeljima, komšijama, starijima, evladima svojim, kako prema predstavljenim svojima, kako prema ne-muslimanima, kada i kako radi u polju, kako uči, kako sudi, kako se sahranjuje, kako se ponaša u porodici, kako u društvu itd., sve to podrazumijeva oživljavanje sunneta Allahova Poslanika? Ove sunnette, što više budemo ispunjavali, sve više ćemo voljeti Muhammeda, alejhi-s-selam, a kad samo jednom tu ljubav osjetimo, naš život će dobiti novi smisao i vrijednost, teškoće ćeme lakše podnosit, jer su Muhammedove a.s. bile žešće i teže, a radosti ćemo osjećati na užvišen i osmisljen način. I biti ćemo blizu Allahovom Poslaniku, Uzvišenom Allahu i džennetu!

# POLAZNICI MEKTEBA ŠPIONICA I C. SREBRENIK PONIJELI TITULU HAFIZA ZADNJEG DŽUZA KUR'ANA

U ovoj mektebskoj 2015/2016. godini dva polaznika mektebske nastave medžlisa Srebrenik su položili zadnji (30) džuz Kur'ana napamet i tako ponijeli titulu hafiza "AMME" džuza. Zadnji džuz Kur'ana polagali su pred komisijom medžlisa IZ-e Srebrenik gl. imam Refik ef. Hodžić, hfv. Esmir ef. Selimović i hfv. Damir ef. Jahić.

U subotu 05. septembra 2015. godine pred pomenutom komisijom u prostorijama medžlisa polaznica mekteba Špionica Osmičić Šeherzada je položila zadnji džuz Kur'ana. Šeherzada je učenica IV razreda srednje škole i III je polaznik mekteba Špionica koji se okitio ovom titulom.

A u ponedjeljak, 21.12.2015. godine Selimović Aladin, polaznik mektebske nastave C. Srebrenik je proučio posljednji džuz Časnoga Kur'ana napamet. Aladin je rođen 1996. godine, završio mašinsko-tehničku školu u Srebreniku, trenutno je student prve godine Tehnološkog fakulteta u Tuzli, i on je četvrti polaznik mekteba na MIZ-e Srebrenik koji je položio ovakav ispit pred komisijom. U mekteb je dolazio i kao učenik četvrtog razreda srednje škole, a i dan danas Kur'an uči pred svojim imamom Brašnjić Emirom u okviru rada sa odraslima u džematu Centar Srebrenik.



Tim povodom čestitke, pored hafiza, iskazali su im glavni imam i predsjednik Medžlisa IZ-e Srebrenik Refik ef. Hodžić i mr. Abdullah Arifović i tom prilikom u ime Medžlisa uručili im diplome i prigodne poklone.

## Ekskurzija polaznika mekteba Ćojluk

Mektebsku nastavu u ovom malom džematu pohađa preko trideset polaznika, od kojih više od polovine uče kur'ansko pismo i Kur'an. Nekoliko učenika su i svršenici hatme. Kako bi poboljšao rad mekteba Mustafa efendija je sa džematskim odborom organizirao ekskurziju polaznika mektebske nastave u Sarajevo, gdje su obišli najznamenitija mjesta: Gazi-husrev begovu džamiju, biblioteku, turbe, FIN-a, te medresu.

Tom prilikom muallim je polaznicima mekteba održao historijski čas govoreći o znamenostima Gazi-husrev bega, njegove džamije i biblioteke, turbeta, Fakulteta islamskih nauka te Gazi-husrev begove medrese.





# DŽEMAT GORNJI SREBRENIK



Džemat Gornji Srebrenik nalazi se sedam kilometara od Srebrenika u neposrednoj blizini srednjovijekovnog grada Srebrenika. Ovaj džemat sastoji se od četiri zaseoka i to: Džafići, Brežđe, Junuzovići i Pjevići. Džemat Gornji Srebrenik ima oko 290 domaćinstava. Nije poznato kada je izgrađena prva džamija u ovom džematu. Zna se da je rekonstruisana 1967. godine kada je pokrivena crvenim crijevom i do danas je zadržala svoj tadašnji izgled. Ono što je interesantno jeste da je zidani minaret s jednom šerefom izgrađen s njene lijeve strane, a stariji ljudi prenose da su razlozi nepristupačnost terena. S desne strane nalazi se turbe šejh Sinan efendije.

Imam džemata Gornji Srebrenik je Hidan ef.

Begić koji je u svom dugogodišnjem radu u ovom džematu učio nekoliko stotina mladih ljudi kroz mektebsku nastavu, a mnogi od njih su postali uspješni ljudi. Behrambegovu medresu završila su tri učenika iz ovog džemata od kojih je jedan bio i učenik generacije, dok trenutno dva učenika pohađaju ovu srednju školu. Džemat Gornji Srebrenik je više puta bilježio zapažene plasmane na mektebskim takmičenjima koji predstavljaju odličan rezultat obzirom da se radi o džematu s manje od 300 domaćinstava. U džematu G.Srebrenik se svake godine upriliči svečanost, a ono što je za nas interesantno jeste da je iz mekteba do sada izvedeno puno svršenika hatmi.





# DŽEMAT TINJA



**Džemat Tinja** nalazi se 14 kilometara jugoistočno od Srebrenika pored magistralnog puta Orašje-Tuzla.

Džamija je locirana u samom centru Tinje s lijeve strane magistralnog puta Tuzla – Orašje. Prva džamija u ovom džematu po kazivanjima starijih ljudi ne zna se tačno kada je sagrađena, ali se zna da je poticala iz XVIII stoljeća. Sadašnja džamija je sagrađena 1972. godine betonskom konstrukcijom, pokrivena je pod kupolu, a uz džamiju je izgrađena zidana munara sa jednom šerefom. Džamija je modernog stila i veoma funkcionalna sa svim pratećim sadržajima.

Džamija je svečano otvorena 1972. godine. Džamija je renovirana 2010. godine i posljednje renoviranje je izmjenilo izgled dosadašnje džamije, umjesto crijeva pokrivena je kupolom i dograđen je



veliki objekat uz samu džamiju u kome je smješten savremeni mekteb, gasulhana i abdesthana. Imam, hatib i muallim u džematu je Vasif-eft Mahmutović.

U džematu mektebska nastava održava se dva dana u sedmici, subotom i nedjeljom. Polaznika mektebske nastave upisano je 109, a redovnih je 90. Nastava se održava svake subote i nedjelje u terminu od 9-12 sati.

Mekteb je organiziran tako što su djeca podjeljena u tri grupe. U Kur'anu uči 35 polaznika mekteba, a sufaru 27 polaznika. Do sada je iz mekteba Tinja izašlo preko trideset svršenika hatme. Mekteb Tinja svake godine učestuje na takmičenjima polaznika mekteba i ostvaruje dobre rezultate.



# OSVAJAČ ZLATNE MEDALJE, DEVETOGODIŠNJI IBRAHIM IBRIŠIMOVIĆ

Takmičenje je održano po WKF pravilima. Nastupilo je ukupno 56 klubova i reprezentacija, a među 600 takmičara iz 15 zemalja Ibrahim Ibrišimović iz Srebrenika je imao sjajan nastup. U izuzetnoj konkurenciji, u kategoriji dječaci 10 godina, Ibrahim je osvojio zlatnu medalju. Ibrahim Ibrišimović ima 9 godina, član KK "1. Mart Srebrenik", i do sada je u svoj grad donosio zlatne medalje sa značajnih takmičenja. Prošle godine je proglašen za najboljeg takmičara u FBiH u dvije kategorije: dječaci do 8 i dječaci do 9 godina. Na Balkanskom prvenstvu 2014. godine u Sloveniji, okitio se zlatnom medaljom, a na "Euro Cupu 2015" Zella am See još jednom je stao na pobjednički tron. Ovim sportom se bavi od svoje 6. godine, odličan je učenik 4. razreda O.Š. "Duboki Potok", gdje sa svojim drugarima rado dijeli iskustva i uspjehe sa svojih nastupa i takmičenja.

**KANDILJ:** Esselamu alejkum! Možeš li nam se predstaviti, ime i prezime, datum rođenja, škola...?

**Ibrahim Ibrišimović:** Ja sam Ibrahim Ibrišimović. Imam 9 godina, rođen sam 18.03.2006. godine. Učenik sam 4. razreda Osnovne škole "Duboki Potok" u Dubokom Potoku.

**KANDILJ:** Vjeronauka, da li pohađaš vjeronauku od prvog razreda, sta si naučio, šta te najviše privlači kod tvog vjeroučitelja?

**Ibrahim Ibrišimović:** Pohađam vjeronauku od prvog razreda osnovne škole. Na časovima sam naučio dosta o svojoj vjeri - islamu, Božijim poslanicima, melecima.

**KANDILJ:** Da li pohađas mekteb? Do kojeg stepena si došao u mektebu? Šta mekteb znači za tebe?

**Ibrahim Ibrišimović:** Pohađam mekteb, jer na taj način mogu više naučiti o svojoj vjeri i družiti se sa svojim vršnjacima u džamiji. Svakodnevno učim o svojoj vjeri, a o steponima ne bih mogao govoriti, to upitajte mog muallima.

**KANDILJ:** Nedavno si postao balkanski prvak u karateu. Šta nam možeš reći o tome? Od kada treniraš karate? Šta to znači za tebe?

**Ibrahim Ibrišimović:** Član sam KK "1. Mart Srebrenik" i do sada sam osvojio mnoge zlatne medalje. Prošle godine sam osvojio zlatnu medalju na takmičenju "BEĆ OPEN 2015" u Austriji, koje je održano po WKF pravilima. Na tom takmičenju je nastupilo ukupno 56 klubova i reprezentacija i 600 takmičara iz 15 zemalja. Ja sam pobijedio u kategoriji dječaci 10 god.

**KANDILJ:** Iz dana u dan nižeš uspjehe, koje si još uspjehe ostvario?

**Ibrahim Ibrišimović:** Među svoje velika postignuća ubrajam i proglašenje za najboljeg takmičara 2014. u FBiH u dvije kategorije: dječaci do 7 i dječaci do 8 godina, kao i zlatnu medalju koju sam osvojio na Balkanskom prvenstvu 2014. godine u Sloveniji i zlatnu medalju na "Euro Cupu 2015" Zella am See. Proglasili su me za najboljeg pionira kadeta u kategoriji borilačkih sportova u izboru sportiste općine Srebrenik za 2014. godinu. Volim da treniram karate, putujem po raznim državama i učestvujem na takmičenjima. Naravno sve ove pobjede i postignuća me podstiču da još više treniram i radim. Ovim sportom se bavim od svoje 6. godine, nosilac sam zelenog pojasa i želja mi je nastaviti baviti se ovim sportom. Naravno ne planiram zanemariti ni obaveze u školi. Odličan sam učenik i namjeravam nastaviti uspješno ispunjavanje svojih obaveza. Volim svoje iskustvo i uspjehe sa takmičenja i nastupa podijeliti sa svojim drugarima.



**KANDILJ:** Imao si priliku da čitaš kandilj. Možeš li nam reći kako ti se svidaju novine?

**Ibrahim Ibrišimović:** Imao sam priliku čitati novine kandilj i mogu reći da mi je drago da postoje takve novine koje promovišu islamske vrijednosti. Volim čitati kandilj jer imaju dosta zanimljivosti i igara.

**KANDILJ:** Za kraj šta bi poručio svojim vršnjacima?

**Ibrahim Ibrišimović:** Svojim drugarima bi poručio da pronađu ono što vole, da se više bave sportom i da to rade na najbolji način. Naravno da ne zanemaruju druge obaveze.



## NAGRADNI KVIZ

1. Kada je sagrađena džamija u džematu Tinja? \_\_\_\_\_.
2. Koje nadimke je poslanik dobio u svojoj mladoststvi? \_\_\_\_\_.
3. Ko je u tekućoj mektebskoj godini položio hifs zadnjeg džuza Kur'ana? \_\_\_\_\_.
4. Napiši jednu od dova iz knjige "Moja prva zbirka dova" \_\_\_\_\_.

Ukoliko želite učestvovati u nagradnom kvizu ovaj dio isijecite i odgovore na pitanja pošaljite na adresu Medžlisa IZ-e Srebrenik ili dostavite do svog muallima. Navedite svoje lične podatke i broj telefona na koji vas možemo kontaktirati



### **NA XVIII FINALNOM TAKMIČENJU NA NIVOU RIJASETA LEJLA BEGUNIĆ OSVOJILA PRVO MJESTO**

Dana 23.05.2015. godine na Fakultetu islamskih nauka, u organizaciji Uprave za vjerska pitanja, održano je osamnaesto po redu državno mektebsko takmičenje iz tri kategorije: učenje Kur'ana za mlađi uzrast učenika, za stariji i takmičenje iz općeg znanja. Lejla Begunić je, nakon što je najuspješnije uradila test na takmičenju na nivou medžlisa, te na nivou muftijstva, predstavljala muftijstvo Tuzlansko na državnom takmičenju, na nivou Rijaseta. Nakon završenog takmičenja Lejla je ponijela titulu najuspješnijeg takmičara iz kategorije test općeg znanja. Begunić Lejla, kći Jasmin ef. i Mirsade, rođena je 05.06.1999. godine. Lejla je učenica prvog razreda BBM i

polaznica mekteba džemata Čehaje, MIZ-e Srebrenik, a njen muallim je Jasmin ef. Begunić. Lejla je u svom devetogodišnjem školovanju učestvovala na raznim takmičenjima i postizala dobre rezultate: Mektebsko takmičenje iz kiraeta do 12 godina osvojila je 2010. godine drugo mjesto, 2011. godine drugo mjesto, Mektebsko takmičenje iz kiraeta do 15 godina osvojila je 2012. godine treće mjesto, 2013. godine četvrto mjesto, 2014. godine četvrto mjesto, općinsko takmičenje iz vjeronomjera za osme razrede u 2014. godini osvojila je drugo mjesto. Općinsko takmičenje iz biologije za osme razrede u 2014. godini osvojila je prvo mjesto. Kantonalno takmičenje iz biologije

za osme razrede osvojila je prvo mjesto, a na federalnom takmičenju iz biologije za osme razrede osvojila je treće mjesto. Općinsko takmičenje za devete razrede iz hemije u 2015. godini osvojila treće mjesto. Mektebsko takmičenje na nivo medžlisa u 2015. godini u kategoriji test općeg znanja osvojila prvo mjesto, na nivou muftijstva osvojila prvo mjesto i plasira se na finalno takmičenje za nivo Rijaseta, gdje takođe pokazuje najbolje znanje i osvaja prvo mjesto, i postaje najbolji učenik u BiH u kategoriji test općeg znanja. Lejla je odlična učenica, gdje je na kraju svog školovanja dobila posebnu diplomu kao super odličan učenik.



# Saradnja mekteba C. Srebrenik i Lušnica

Već nekoliko godina odvija se saradnja džemata C. Srebrenik sa drugim institucijama u cilju osnaživanja mekteba. Oni su uspostavili dobru saradnju sa Drugom osnovnom školom Srebrenik koja se nalazi u tom džematu, a uspostavljaju saradnju i sa drugim mektebima. Tako su u nedjelju, dana 11.10.2015. godine, polaznici mektepske nastave Lušnica, MIZ-e Srebrenik, zajedno sa muallimom Mevludin ef. Joldićem boravili u posjeti džematu C. Srebrenik, odnosno mektebu. U džamiji ih je dočekao imam džemata Emir ef. Brašnjić zajedno sa polaznicima prve grupe ovog mekteba. Emir ef. se obratio prisutnim učenicima, ukazao im na značaj mekteba i međusobnog druženja, kao i na značaj saradnje mekteba. Mevludin ef. je izrazio svoje zadovoljstvo saradjnjom, ovom posjetom, koja doprinosi boljim rezultatima na polju mektepske nastave. Oni su naglasili da će ova saradnja i ubuduće biti nastavljena.



# Polaznici mekteba Bare, Kiseljak i Špionica na ekskurziji u Minhenu

Dana 08.05.2015 godine polaznici mekteba Kiseljak, Bare i nekoliko učenika iz džemata Špionica sa svojim muallimima Ismet-ef Odobašić i Muhamed-ef. Bašić uputili su se na dvodnevnu ekskurziju u Minhen-Njemačka, a domaćini su im bili džemat Tewhid na čelu sa imamom Mirza ef. Džafić i predsjednikom džematskog odbora gosp. Refik Pjanić. Cilj ove ekskurzije je upoznavanje i izmjena iskustava, kao i druženje. Tokom boravka u ovom džematu domaćini su ih upoznali sa ljepotama Minhena, mnoštvo šoping centara, zabavnih parkova i dr. Organizovana je i zajednička posjeta Olympiapark. Gosti su tu zajedno sa svojim domaćinima bili na Olimpijskom stadionu, Olimpijskom bazenu te na Olympiaturm tornju visokom 291m odakle se prostire pogled na cijeli Minhen. Obišli su i BMW centar te i BMW muzej.

U prostorijama džemata Tewhid polaznici mekteba domaćina i gostiju izveli su prelijep program ilahija i učenja Kur'ana.

Ovi mektebi su do sad bili na ekskurziji dva puta u Cazinu-Bihać, Srebrenici, Sarajevu, Mostaru, Fojnici, Zagrebu, Ljubljani-Kopar, Beču, Gracu, gdje su stekli veoma lijepa i nezaboravna iskustva.



# Rebiul-evvelske aktivnosti džemata Bare

Dana 22.12.2015., u džematu Bare je upriličen mevlud. Bogat program učenja Kur'ana, ilahija i mevluda, u cijelosti su izveli učenici mekteba Bare pred velikim brojem oduševljenih vjernika i vjernica. Muhamed ef. Bašić, imam džemata Bare nije žalio vremena i truda da sa horskom sekcijom džemata Bare, pripremi učenike za ovu manifestaciju. Muhamed ef. je poselamio prisutne i najavio gosta predavača Emir ef. Brašnjića, imama džemata Centar Srebrenik, koji je prisutnima ukazao na značaj obilježavanja mevluda i čuvanje naše vjere i tradicije, kao i na obavjezu naše ljubavi prema Poslaniku, s.a.v.s. i donošenja salavata na njega. Dana, 26.12.2015. (subota), džematu Bare na čelu sa Muhamed ef. Bašićem, bio je domaćin mektebskog druženja učenika džemata Kiseljak, Centar Srebrenik, i naravno učenika džemata Bare. Učenici su došli sa svojim muallimima Ismet ef. Odobašićem i Emir ef. Brašnjićem. Zaista je bilo lijepo vidjeti džamiju koja je okupila 200 učenika i veliki broj roditelja. Učenicima je dobrodošlisu iskazao Muhamed ef. Bašić, a nakon toga je uslijedio doručak. Nakon doručka, obratio im se Ismet ef. Odobašić, koji im je održao čas o Muhamedu a.s., a povodom mevluda. Prisutne je poselamio i glavni imam MIZ-e Srebrenik, Refik ef. Hodžić, koji nije krio zadovoljstvo zbog ovog skupa i koji je ovu manifestaciju okarakterisao kao jednu od najljepših koje su upriličene na našem Medžlisu. Program su obogatili učenici učenjem Kur'ana i ilahija. Na kraju je Emir ef. pozvao vode mekteba C. Srebrenik i Kiseljak da predaju skromni poklon ova dva džemata džematu Bare. U ime džemata Bare hediju je primio vođa mekteba Bare.



# NOVA HIDŽRETSKA GODINA U DŽEMATIMA MEDŽLISA IZ-e SREBRENIK

U utorak, 13.10.2015. godine, poslije akšam-namaza Nova hidžretska 1437. godina obilježena je prigodnim programima u svim džamija MIZ-e Srebrenik, a svečanost: Mevlud i Hatma dove za odrasle u džematu Čehaje obilježena je 14.10.2015. godine poslije akšam-namaza.

## **Mevlud i hatma dove za odrasle u džematu Čehaje**

U srijedu, 14.10.2015. godine, poslije akšam-namaza u džematu Čehaje, u prepunoj džamiji, upriličena je svečanost mevluda i hatma dova za odrasle polaznike mekteba Čehaje.

Zanimljiv program učenja Kur'ana, ilahija i kasida, recitala, citiranja hadisa o vrijednostima učenja Kur'ana izveli su polaznici mekteba Čehaje. Svršenici hatme proučili su po jedan odlomak iz Kur'ana. Gost predavač na ovoj svečanosti bio je hfz. Damir ef. Jahić, imam džemata Tutnjevac, MIZ-e Srebrenik.

Svršenici hatme su: dr. Izudin Kešetović, Moranjkić Ishak, Smajlović Ramiz, Avdić Hanka, Smajlović Vahida, Husić Sabrija, Abdulahović Adisa, Smajlović Emin, Ibrić Meliha, Husić Elmedina, Husić Edin, Ibrić Amra i Ibrić Sabina.

U džamiji džemata Špionica, u utorak, poslije akšam-namaza upriličena je svečanost posvećena Novoj 1437. H.g. Cjelokupan program posvećen je Hidžri, a program su izveli polaznici mektebske nastave ovog džemata kao i omladina tog džemata. Nakon proučenog ašereta polaznici mekteba su izveli prigodan program, a nakon prvog dijela programa prigodno predavanje o hidžri i njenom značaju održao je glavni imam Refik ef. Hodžić, imam džemata Špionica. Nakon završenog programa podijeljeno je preko sto paketića za najmlađe iz džemata Špionica. Program je trajao do jaciće-namaza, kada su nakon klanjanja izašli ispred džamije gdje je organizovan vatromet, kako neki kažu kakov se ne pamti u okolini. Imam i njegove džematlije nastavili su druženje i poslije jaciće do kasno u noć uz kolače i kahvu.

## **Džemat Kiseljak**

I u džamiji džemata Kiseljak u utorak, poslije akšam-namaza upriličena je svečanost posvećena Novoj 1437. H.g. Nakon proučenog ašereta polaznici mekteba su izveli prigodan program, a nakon prvog dijela programa prigodno

predavanje o hidžri održao je Ismet ef. Odobašić, imam džemata Kiseljak. Nakon završenog programa podijeljeno je 70 paketića za najmlađe iz džemata Kiseljak.

## **Džemat Centar Srebrenik**

U utorak večer bilo je svečano i u džematu C. Srebrenik. U prepunoj džamiji polaznici mektepske nastave C. Srebrenik izveli su prekrasan program posvećen Hidžri, učenjem Kur'ana, recitala, ilahija i kasida. O značaju hidžre predavanje je održao imam džemata Emir ef. Brašnjić, koji je ukazao na značaj hidžre u životu svakog čovjeka, te da taj datum nikada ne smijemo zaboraviti. Nakon klanjanja jaciće-namaza, do kada je program trajao, zajedno sa džematlijama Emir ef. je nastavio druženje do kasno u noć uz kahvu i kolače.

## **Džemat Ježinac**

U utorak večer svečano je bilo i u džematu Ježinac. U punoj džamiji u Ježincu polaznici mektepske nastave izveli su prigodan program posvećen Hidžri, učenje Kur'ana, ilahija i kasida. O značaju hidžre predavanje je održao imam džemata Omer ef. Majstorović. Nakon završenog programa upriličena je podjela paketića za polaznike ovog mekteba.





## BLAGOSLOVLJENA DOVA

U malom selu živio je siromašan ribar u skomnoj kući sa svojom ženom i djecom. Jednog dana stigla je žestoka zima, a ribar je zaplovio morem koristivši mali čamac. Bacio je pohabanu mrežu u more moleći za obilnu opskrbu. Nakon nekog vremena izvukao je mrežu da vidi šta je ulovio. U mreži je ugledao dvije male ribe i vratio se na pijacu da ih proda zadovoljan sa onim što mu je Allah podario. Za zarađeni novac kupio je hljeb.

Na putu ka kući čuo je zastrašujući glas. Slijedio je taj glas i vidio starca i pitao ga šta mu je. Starac reče: "Nisam okusio hranu četiri dana." Siromašni ribar se začudio starčevom stanju. Brzo je ispružio svoju ruku i dao starcu hljeb, a ovaj mu zahvali na dobroćinstvu, i poče jesti hranu. Zatim je starac upitao ribara o njegovom zanimanju. Odgovorio mu je: "Radim kao ribar dugo vremena."

Starac je podigao ruke ka nebu i rekao: "Gospodaru moj, oprosti mu njegove grejehe, oslobodi ga njegovih briga i podari mu obilnu opskrbu." Zatim reče: "Sine moj, vrati se ka moru i zabaci mrežu, ja zaista molim Allaha da ti podari dobro."

Ribar mu se zahvalio i vratio se ka moru. Kada je zabacio mrežu i izvadio je iznenadio se: velika riba! Kada se vratio sa njom svojoj ženi, razrezala ju je i začudila se kada je viđela dva bisera. Zvala je svoga muža, a on je došao preplašen. Kada je video dva bisera, jako se obradovao, otisao sa njima na pijacu i prodao ih za velike novce. Kupio je sve što mu treba od hrane i pića, zatim je kupio veliku lađu i postao bogat i sretan trošivši imetak na Allahovom putu, zahvaljujući Mu na ovoj blagodati. Znao je da je ova blagodat prvenstveno došla od Allahove dobre, zatim dovom starca, i bio je nesebičan prema drugima.



**Pouka:** pomozimo druge u ime Allaha, Allah će nas pomoći!

## ZANIMLJIV PRIZOR U ENGLESKOJ

Na utakmici engleske Premier lige, na početku ove godine, zabilježen je lijep prizor.

Na utakmici između Evertona i Tottenhama, bosanskohercegovački reprezentativac Muhamed Bešić je ušao u igru. Dok je ulazio na teren, Bešić je najprije pao na sedždu, a nakon toga pokazao majstorsko fudbalsko znanje.



## ZAŠTO SU DŽAMIJE U INDONEZIJI PREŽIVJELE CUNAMI

Kada je snažan cunami pogodio u indonezijski grad Banda Aceh, jedine strukture koje su ostale uspravne u mnogim naseljima su bile džamije. Za stotine ljudi koji su našli utočište unutar njihovih zidova, spasilačka uloga tih građevina nije zaboravljena – i za mnoge, to iskustvo je ojačalo njihovu vjeru. Mnogi preživjeli vjeruju da su džamije bile poštovane božanskom intervencijom. "To je zato što je džamija Allahova kuća, Tvorca takvog jednog cunamija. Ona je zaštićena", rekao je Ahmad Junaidi, preživjeli koji je pobjegao na sigurno u veličanstvenu Veliku džamiju Baiturrahman – glavni orijentir u gradu sa svojim 35 metara visokim minaretima, bijelim zidovima i sedam crnih kupola.

Džamija, sagrađena od strane holandskih kolonizatora i završena 1881. godine, bila je gotovo netaknuta u cunamiju 26. decembra 2004. godine, koji je opustošio grad i ubio više od 230.000 ljudi u više od desetak zemalja oko Indijskog okeana.

Kao 18-godišnjak, Reza Nasir je našao utočište od katastrofe penjanjem na jednu od crnih kupola Velike džamije. Odatile je video kako ocean plavi grad i preko vanjskih zidova džamije, ostavljajući stotine tijela u dvorištu. On nikada nije video toliko leševa.


To je bio i trenutak kada je počeo da obavlja namaz. Mnogi stanovnici Aceha, nadom dominantne muslimanske pokrajine u cijeloj Indoneziji, gledali su na katastrofu kao kaznu za nedostatak odanosti Bogu. Cunami je zapravo učinio još mnoge pobožnima, rekao je Faisal Ali.

"On je ohrabrio Acehnese da obnove predanost svojoj vjeri", rekao je gospodin Ali. Mirza Irvansyah, arhitektonski ekspert iz državnog univerziteta Syiah Kuala u Banda Acehu, rekao je da je najmanje 27 džamija u gradu preživjelo cunami, često jedine građevine u svojim naseljima koje su to uspjele. Fotografije tih struktura koje stoje usred krhotina cirkulisale su na internetu nakon katastrofe, dok su mnogi njihov opstanak nazivali čudom.





# Održana promocija knjige „Moja prva zborka dova“



Pred velikim brojem učenika osnovnih škola općine Srebrenik i njihovim vjeroučiteljima, te polaznicima mektepske nastave mekteba Medžlisa Srebrenik i njihovih muallima, 29.10.2015. godine, u kino Sali Doma kulture u Srebreniku upriličena je promocija knjige „Moja prva zborka dova“ autorice Azre Hasanović, profesorice religijskog odgoja.

O knjizi su govorili mr.sc Damir ef. Babajić i prof. Meliha Terzić. Na kraju prisutne je poselamila i autorica, koja se zahvalila prisutnima na dolasku, te svojim nadahnutim predavanjem, primjerima, izmamilu i suze prisutnima. Druženje na promociji knjige uljepšali su i članovi čitalačkog kluba Biblioteke Srebrenik, čitajući stihove i dove koje je priredila prof. Hasanović.

Knjiga „Moja prva zborka dova“ je knjiga dova koja je namijenjena najmlađima. Autorica je sa puno pažnje pristupila izboru dova za ovu knjigu. Na stranicama ove knjige nalaze se dove koje je potrebno učiti tokom svakog dana i noći ali i dove koje će najmlađi lahko naučiti i razumijevati. Uz djecu i roditelji uče, pa je ovo prilika da i roditelji nauče dove. Tekstovi svih dova napisani su arapskim tekstrom te transkripcija teksta a ponuđen je i prevod dova na naš jezik. Svaku od dova prati dobro osmišljena ilustracija koja upućuje na poruku i sadržaj dove. Sadržane dove u ovoj zbirci su: dova kada se ujutro budimo, dova prije ulaska u toalet, prilikom izlaska iz toaleta, prilikom oblačenja odjeće, kada se gledamo u ogledalo, dova

prije jela, poslije jela, dova kada zaboravimo proučit dovu prije jela, dova prilikom izlaska iz kuće, kada pada kiša, kada grmi, kada puše jak vjetar, kada kihnemo, kada čujemo da neko kihne, kada se plašimo nekoga, kada nas boli, dova u trenutku ljtunje, prilikom ulaska u kuću, prilikom skidanja i odlaganja odjeće, dova prije spavanja. Uz dove nalaze se prilozi: predgovor i recenzija.

Dragadjeco, uovojknjizi imatena najljepše dove, dova zaje, dova zaspavanje pa uzmite ovu knjigu i naučite ove dove. Dova je naš spas. Ovu knjigu možete nabaviti u prostorijama Medžlisa Srebrenik. Pročitajte je i naučite dove, jer tako ćete postati bogatiji.





# VAŠA STRANA

Mektebski list KARĐILJ



Karić Din



Ajla Zukić




Haris Zukić



Selma Zukić



Belmin Mešić



Emina Zukić




Mirsanda Zukić




Lejla Smajić



Amela Huremović



Alina Osmanović



Eldin Zukić



Nejra Mujkić

## DAJ MI BOŽE TI UPUTU

Daj mi Bože Ti uputu,  
Da samo za Tebe živim,  
Samo Tebi sedždu činim,  
Da se samo Tebi divim.

Da se samo Tebi divim,  
I još više spoznam Tebe,  
Daj mi Bože Ti uputu,  
Srce moje da ne zebe.

U grijeha da ne tonem,  
Da radim po tvojoj volji,  
Daj mi Bože ti uputu,  
Da ja čovjek budem bolji.

Da ja čovjek budem bolji,  
I na pravom budem putu,  
Sa islamom zadovoljan,  
Daj mi Bože Ti uputu.

Ajdin Zukić, VI




Maid Omerčić




Enis Omerčić




Jasmin Kešetović



Mešić Maida



Nela Buljubašić



Senida Ćudić



Emina Ribić



Mektebski list KARDILJ



# GRADSKA APOTEKA SREBRENIK

TRGOVINSKA RADNJA

BEMA

ŠPIONICA - MAGISTRALNI PUT  
vl. hadžija Bekir Osmanović  
Muška, ženska i dječja  
odjeća

PRINTAS   
Digitalna štampa

Digitalna i offset štampa



SREBRENIK

KATALOZI, PROSPEKTI, BROŠURE, KNJIGE, ČASOPISI, PUBLIKACIJE, NOVINE,  
PLAKATE, LECI, VIZITKARTICE, ULAZNICE, ETIKETE, BILBORDI, BLOKOVSKA ROBA ...